



岡田武松博士傳 (1874-1956)

岡田武松博士於西歷一八七四年（民國前三十五年）生於日本千葉縣。秉性穎悟。一八九九年（民前十三年）畢業於東京帝國大學後進入日本中央氣象台服務，於一九二三年（民國十二年）岡田先生受任第四任中央氣象台台長。先生任台長凡十八年。至一九四一年退休，但仍在其創設之測候技術官養成所（現改為研修所）擔任講師，教導後進，誨人不倦。其後息隱家園在千葉縣布佐町鄉里，獨居靜娛晚年。一九五五年十一月聯合國文教組織舉辦颱風學術討論會於東京，筆者代表我國氣象局前往參加。因得日本氣象廳長官和達清夫之介紹，由其侄岡田群司先生伴往謁岡田先生於其寓居。瞻望丰采，其仁厚之風與其孤潔德行，令人景仰，不能去懷！岡田先生於本年九月二日於其鄉里去世，享年八十有二。畢生致力於氣象學術事業，垂及五十餘年，其樹立學風，修德立業，常足為後世楷模。岡田先生於一九二四年曾獲英國皇家氣象學會授與西慕士金獎章，翌年又被選為該會會員。以示先生為人群氣象服務之勳勞。先生會制定日本暴風信號標幟，並提創船舶氣象觀測，建造海洋氣象觀測船隻，創辦神戶海洋氣象台，整理地震觀測網，設立富士山觀測所，奠定日本氣象事業之基礎。先生曾發表梅雨論說，及颱風研究，與高低氣壓之運行問題專著。並作長期天氣預告及遠東氣候相關係數之研究。其論文散見各雜誌中，近百餘篇。所著書籍有兩，氣象學，氣象學講話，氣象器械學，理論氣象學等十數冊。先生在學術上之貢獻對於我國氣象事業所受影響，亦甚深切！中日兩國種族與文化，皆是兄弟之邦。茲哲人云逝，不僅為日本氣象事業之損失，亦為人類氣象事業之損失。先生立德、立功、與立言俱有豐功偉績，已立不朽之業，當永為人類所嚮慕無已！。中華民國四十五年十二月鄭子政敬拜識於臺北。